



Služba za saobraćaj, stambeno-komunalne poslove i građenje

OPĆINSKO VIJEĆE ILIJAŠ

**Odgovori na vijećnička pitanja i inicijative sa 37. sjednice Općinskog vijeća Ilijaš
održane dana 30.12.2019.godine**

Ilijaš: Januar 2020.godine

ALMIR ŠPIODIĆ – samostalni vijećnik

Pitanje: "Kada će se novi vod vode staviti u funkciju građana zaseoka Poratak, Udrabi i Dragoradi koji pripadaju Mjesnoj zajednici Dragoradi? Građani MZ Dragorada, zaseoci Poratak, Udrabi i Dragoradi doveli su vodu (još prije rata) sa izvora Korita. Naime, prilikom asfaltiranja puta Gajevi-Dragoradi, u dužini od 600 m, izvođač radova firma "Halilović" d.o.o. oštetila je i potrgala taj vod, te izvršila montažu novog vodovoda, sa druge strane puta. Od tada pa do danas, građani nemaju te vode, vode koja je dolazila u kapitažu prije izvođenja radova. Građani zaseoka Poratak, Udrabi i Dragoradi traže da se voda stavi u funkciju kao što je bilo i prije izvođenja radova, tj. da teče u kapitažu gdje je bila i prije. U protivnom, građani će tužiti izvođača radova Općinskom sudu Sarajevo".

Odgovor: Inicijativa je dostavljena "Halilović" d.o.o. Ilijaš i do slanja materijala pristigao je odgovor koji dostavljamo u prilogu. Inicijativa je dostavljena i JKP "Vodostan" d.o.o. Ilijaš, što je rezultiralo izlaskom na teren predstavnika: Općine Ilijaš, firme "Halilović" d.o.o. Ilijaš i JKP "Vodostan" d.o.o. Ilijaš. Dogovoreno je da se započeti radovi na spajanju cijevi izvrše kad vremenski uslovi budu dozvoljavali.

Pitanje: "Kada će biti nastavljeni radovi na razrovljenom putu iznad Doma zdravlja? Rok za izvođenje radova je 62 dana, a već je prošlo više od pola roka i trenutno se ništa ne radi od strane izvođača radova. Građani traže precizan odgovor".

Odgovor: Pitanje je dostavljeno "Direkciji za puteve Kantona Sarajevo" i do slanja materijala nije pristigao odgovor.

MIRZA BEKTIĆ – vijećnik SDA

Inicijativa: "Pokrećem inicijativu prema slivovima rijeke Save da se na potezu od mosta u Kadarićima uzvodno prema Luci izvrši nastavak izgradnje zaštitnog zida obalom rijeke Bosne. Obrazloženje: Prilikom malo jačih padavina dolazi do porasta vodostaja rijeke Bosne i pri tome dolazi do izlivanja rijeke i ugrožavanja stambenih objekata. Voda stanovnicima ulazi u kuće. Prošle godine sam pokretao inicijativu sa istom tematikom, ali odgovor je bio da sam zakasnio, jer su se Budžeti usvojili. Nadam se da ćemo ove godine da to uradimo i da zaštitimo stanovništvo i materijalna dobra".

Odgovor: Inicijativa je dostavljena "Agenciji za vodno područje rijeke Save" i u prilogu je odgovor koji je pristigao iz Agencije.

Inicijativa: Pokrećem inicijativu prema nadležnoj općinskoj službi, da se izvrši postavljanje znakova upozorenja da je zabranjeno vršenja odlaganja smeća i kabastog otpada na lokaciji put Berovića ispod mosta autoputa. Tražim da se izvrši pojačan inspekcijski nadzor. Obrazloženje: Obratila mi se grupa građana za rješavanje problema".

Odgovor: Prihvata se inicijativa za pojačan inspekcijski nadzor, kad su u pitanju znakovi bit će riješeno u narednom periodu. Obzirom da je ova deponija već bila sanirana nameće se potreba, pored znaka upozorenja "zabranjeno odlaganje otpada" da se izvrši i postavljanje fizičkih prepreka u vidu gabiona ili ograde, što će biti planirano Operativnim planom.

Inicijativa: "Pokrećem inicijativu prema nadležnoj općinskoj službi, da se izvrši čišćenje malog podvožnjaka i kolektora (kod tehničkog pregleda) u Podlugovima. Zbog otežanih uslova prolaska kako građana tako i vozila neophodno je izvršiti čišćenje odvodnih kanala".

Odgovor: Inicijativa je dostavljena JP "Autoceste FBiH" i do slanja materijala nije pristigao odgovor.

Inicijativa: "Prilikom radova firme "BH Telecom" d.d. Sarajevo na dionici puta u ulici Obala navedena firma vršila je radove i navedeni put nije vratila u prvobitno stanje. Molimo da se izvrši sanacija i popravak ovog dijela puta".

Odgovor: Inicijativa je dostavljena "BH Telekom d.d. Sarajevo-Izvršna Direkcija za investicije" i do slanja materijala nije pristigao odgovor.

ANEL BUMBULOVIĆ – vijećnik SDA

Inicijativa: "Pokrećem inicijativu da se na Regionalnoj cesti R445 u Ilijašu izvrši postavljanje znaka i putokaza sa natpisom "Dom zdravlja", te drugi znak na natpisom "Hitna pomoć".
Obrazloženje: Trenutno se na pomenutoj lokaciji nalazi postavljen znak "Bolnica". Treba napomenuti da je bitna razlika u organizaciji i obimu usluga koje pružaju bolnice i Domovi zdravlja. Takođe treba napomenuti da pored ruralnog stanovništva, u gradu nerijetko boravi ili bar prolazi veliki broj osoba koje nisu sa ovih područja i te osobe imaju poteškoća da dođu do Doma zdravlja ili punkta Hitne pomoći, jer nema adekvatnih putokaza".

Odgovor: Inicijativa je dostavljena "Direkciji za puteve Kantona Sarajevo" i do slanja materijala nije pristigao odgovor.

ALEN HASKOVIĆ – vijećnik SDA

Inicijativa: "Pokrećem inicijativu da nadležna općinska služba u saradnji sa komunalnim inspektorom iznađe način da se saniraju divlje deponije smeća kod prostorija MZ Stari Ilijaš uz rijeku Misoču i u Donjoj Karauli uz rijeku Bosnu. Takođe, da u narednom periodu naprave evidenciju i plan sanacije divljih deponija na području općine Ilijaš".

Odgovor: Prihvatamo inicijativu i kad dozvole vremenski uslovi, bit će realizovana u saradnji sa KJKP "Rad"d.o.o.Sarajevo. Na području općine Ilijaš identifikovano je 25 (dvadesetpet) divljih deponija otpada. Do sada je sanirano 8 (osam) divljih deponija i sa tim aktivnostima bit će nastavljeno u narednom periodu.

Napomena: U prilogu je odgovor koji je pristigao iz Direkcije za puteve Kantona Sarajevo, odgovor iz firme "Halilović"d.o.o.Ilijaš i odgovor iz Agencije za vodno područje rijeke Save

Služba za saobraćaj,
stambeno-komunalne poslove i građenje



«HALILOVIĆ»d.o.o. Sarajevo-Iljaš

Obala 27 Sarajevo, Iljaš, Tel: 00387 33 403- 244, E-mail infohalilovic@gmail.com
PDV 200473210006, IDB 4200473210006, 065-0-Reg.-15-000247 Kan.Sud Sarajevo
TRN 1413065320132289

Datum:13.01.2020

Broj:13-1/20

OPĆINA ILIJAŠ
UL: 126 ILIJAŠKE BRIGADE
71380 ILIJAŠ



Služba za sobračaj ,stambeno – komunalne poslove i građenje

PREDMET: Odgovor na Vaš predmet br: 03/1-23-sl/20, od 03.01. 2020 godine na postavljeno vijećničko pitanje sa 37 sjednice Općinskog vijeća Iljaš održane 30.12.2019 godine

Obraćamo Vam se ovim dopisom vezano za postavljeno vijećničkog pitanje, samostalnog vjećnika gosp. Almir Špiodić sa 37 sjednice Općinskog vijeća Iljaš održane 30.12.2019 godine vezano za stavljanje u funkciju izmještenog voda na području M.Z. Dragoradi.

Firma Halilović d.o.o. Iljaš je izvodila radove na rekonstrukciji šumskih puteva na području Općine Iljaš, put Gajevi – Spahin Han ,ugovor br: 04/4-23-2025/18, od 05.11.2018 godine i tom prilikom uz saglasnost investitora – Općine Iljaš i nadzornog organa, Zavoda za izgradnju Kantona Sarajevo izvršila izmještanje, odnosno ugradnju novog kabla za vodu sa postojeće lijeve strane puta na desnu stranu puta.

Postojeći vod se nalazio dijelom u bankini i kanalu puta, a jednim dijelom u samom trupu puta, tako da smo kontaktirali pomenute organe i uz njihovu saglasnost izvršili izmještanje, a što je sve evidentirano u građevinskom dnevniku.

Firma Halilović d.o.o. Iljaš bila je u obavezi da iskopa kanal i zagrne novi kabal za vodu, dok su za nabavku materijala i ostale radove, kao spajanje novog kabla na postojeći vod bili zaduženi drugi.

Moramo napomenuti da naša firma nikada ništa neradi na svoju inicijativu ili samostalno bez saglasnosti nadležnih organa.

S Poštovanjem,



Bosna i Hercegovina
Federacija Bosne i Hercegovine
KANTON SARAJEVO
Ministarstvo saobraćaja
Direkcija za puteve



Босна и Херцеговина
Федерација Босне и Херцеговине
КАНТОН САРАЈЕВО
Министарство саобраћаја
Дирекција за путеве

Bosnia and Herzegovina
Federation of Bosnia and Herzegovina

CANTON SARAJEVO
Ministry of traffic
Road Directorate

27. 12. 2019

Broj: 04-05-42836-1 DH
Sarajevo, 24.12.2019. godine

03

OPĆINA ILIJAŠ

Služba za saobraćaj, stambeno-komunalne poslove i gradenje
ul. 126. ilijaške brigade br. 126, 71380 Ilijaš

PREDMET: Odgovor na vijećničko pitanje, dostavlja se
Veza: Vaš dopis broj: 03/1-23-sl/19 od 02.12.2019. godine

Direkcija za puteve Kantona Sarajevo zaprimila je Vaš dopis, broj i datum gornji, u kojem nam dostavljate vijećničko pitanje i inicijativu sa 36. sjednice Općinskog vijeća Ilijaš vijećnika Mehmeda Sinanovića koje se odnosi na sanaciju pješačke staze i postavljanje saobraćajnog znaka "zabrana parkiranja i zaustavljanja motornih vozila" na regionalnom putu R445 u ulici Moševačka, ispred objekta "Liščevica promet".

Direkcija za puteve Kantona Sarajevo u skladu sa Zakonom o cestama FBiH ("Službene novine FBiH" broj: 12/10, 16/10 i 66/13) zadužena je za održavanje regionalnih cesta i lokalnih cesta koje je od Općina Direkcija za puteve Kantona Sarajevo, Ugovorom, preuzela na održavanje. Izgradnja, uređenje i održavanje pješačkih staza nije u nadležnosti Direkcije za puteve Kantona Sarajevo.

Za sankcionisanje nesavjesnih vozača koji parkiraju vozila na pješačkoj stazi zaduženo je nadležno Ministarstvo unutrašnjih poslova.

S poštovanjem,



DOSTAVITI:

- Naslov
- Evidencija
- a/a



web: <http://ms.ks.gov.ba>
e-mail: dp@dp.ks.gov.ba
Tel: + 387 (0) 33 560-402, Fax: + 387 (0) 33 560-426
Sarajevo, Hamida Dizdara br. 1





Adresa: Ul. H. Čemerlića 39a
71000 Sarajevo
<http://www.voda.ba>

tel. +387 33 726-400; 726-416
fax. +387 33 726-423
e-mail: info@voda.ba

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA ILIJAŠ**

**Služba za saobraćaj, stambeno-komunalne
poslove i građenje
Ul. 126. Ilijaške brigade br. 6, 71380 Ilijaš
Fax: 033 400 505**

Naš znak / Our ref. : 30/20-39-2/20

Vaš znak / Your ref. : 03/1-23-sl/20

Datum / Date : Sarajevo, 15.01.2020. godina
Bosna i Hercegovina

Predmet: Dostava vijećničke inicijative, odgovor
Veza: Vaš akt broj 03/1-23-sl/20 od 03.01.2020. godine

Poštovani,

Shodno Vašem aktu broj 03/1-23-sl/20 od 03.01.2020. godine, a koji je na protokol ove Agencije zaprimljen 14.01.2020. godine, u kojem nam dostavljate vijećničku Inicijativu Mirze Bektića (37. sjednica Općinskog vijeća Ilijaš održane 30.12.2019. godine) "da se na potezu od mosta u Kadarićima uzvodno prema Luci izvrši nastavak izgradnje zaštitnog zida obalom rijeke Bosne", dajemo sljedeće obrazloženje:

U Planu i finansijskom planu Agencije za 2020. godinu planirane su sljedeće aktivnosti kandidovane od strane općine Ilijaš:

- Izvođenje radova na projektu: Uređenje desne obale rijeke Bosne u Ilijašu, dionice od P4 do P7, dužine cca 145 m, i

- izrada Glavnog projekta: Uređenje korita rijeke Bosne na ulazu u naselje Malešići u općini Ilijaš, potez od mosta na autoputu A1 do džamije u Malešićima, ukupne dužine cca 800 m

Za predloženi projekat vijećnika Mirze Bektića ne postoji adekvatna tehnička dokumentacija kao neophodan preduslov za izvođenje predloženih radova, te će se izrada iste planirati izmjenama i dopunama Plana i finansijskog Plana ove Agencije za 2020. godinu.

Također, želimo Vas informisati da je Agenciji lokalni partner Općina Ilijaš, i da zahtjevi za intervencijama sa Vašeg područja trebaju doći putem Općine Ilijaš, koja ima uvid u sve probleme na području općine, i u svom zahtjevu će voditi računa o svim lokacijama gdje su potrebne intervencije, sa prioritizacijom tih lokacija.

S poštovanjem,

DIREKTOR

Sejad Dekić, dipl. inž.

Dostavljeno:
- Naslovu
- Sektoru 20, 30-ovdje
a/a